



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Baptistae Bvrgi De Dominio Ser[enissi]mae Genvensis Reip. In Mari Ligvstico Libri. II.

Borgo, Pietro Battista

Romae, 1641

Genuenses non solum Ligustico, & Infero, sed alijs etiam maribus esse dominatos. Cap. XIII.

urn:nbn:de:hbz:466:1-13096

*Genuenses non solum Ligustico, & Infero, sed
alijs etiam maribus esse dominatos.*

CAP. XIII.

NEQVE mari Ligustico solum, totique Infero Genuenses sunt dominati, sed in Oriente Pontum etiam Euxinum tenuerunt. Paulus Imperialis ciuis noster, ad Eugenium Quartum Pontific. Max. scribens Caffæ Kalend. Decembris anno CIOCCCCXXXVIII, pro reconciliatione Armenorum cum Romana Ecclesia, se Consulem ciuitatis Caffæ, & totius maris Maioris imperij Gazariæ inscribit, quo Magistratu pro Genuensi Rep.ungebatur, eiusque literæ in actis¹ Florentini Concilij relatæ sunt, quæ nuper edidit vir doctissimus Horatius Iustinianus, Vaticanæ Bibliothecæ Custos primarius. Sed clarius paucis post annis, Raphael Dux (Raphaelem Adurnium fuisse reor) & Conciliũ Ianuæ, hoc idem Euxini dominium profitentur. Cum etenim naues aliquot Ducis Burgundiæ in Orientales regiones nauigassent, & Euxinum ingressæ, a Genuensibus, qui oram maritimam tenebant, amice comiterque, accepto etiã comœatu, essent habitæ, redeuntes in Occidentem nonnulla Turcarũ nauigia ceperant. Hæc igitur repetens Dux noster, & Concilium ad Ducem Burgundiæ;² *Est præterea, scribit, hoc iniuria maior,*

¹ Part. 3. n. 5

² In epistol. Regum, & Principũ mihi pag. 16.

In Mari Ligustico. Lib. II. 235

maior, quod uniuersum mare Ponticum tutela, defensionique Ianuensium, supra centum annos, commendatum est, quibus seculis ita est a nobis custoditum, ut vel nunquam, vel raro admodum pirata ulli illo usque penetrare ausi fuerint. Si quis in eo mari iniuria afficitur, nostrum est subuenire laeso, & eum ab iniuria tueri.¹ Legimus etiam, aliquando a nostris nauigatione ad Tanaim ceteros fuisse prohibitos,² & ad ostium Maotidis paludis arces fuisse aedificatas. Ac facile quidem erat eius maris possessionem retinere, cum nedum frequentes, ac praepotentes nostrae classes eo nauigarent, sed etiam permultae arces ad illud a nostris tenerentur; Nam praeter eos, qui ad emporia Cassam, Galatamque mittebantur,³ reperimus in Orientales illas regiones alios quoque Magistratus a Genuensibus mitti solitos ad Consulatus Samastrea, Tanae, de Lopoca, Bosphori, Cembali, Seuastopolis, Synopis, & Trapezundarum, & ad Capitaneatum Gothiae. In⁴ Aegaeo praeterea sibi dominium vendicauerunt, nostri, habebantque in Chio Magistratum maris, & Mahonenses ad maritimi imperij tutelam.⁵ Michael etiam Palaeologus, Graecorum Imperator, Smyrnam ciuitatem cum portu, & omnibus pertinentijs maris, & terrae, anno salutis MDCLXI. Genuensibus donauit; &⁶ Veneti in pace cum nostris facta anno MDCCIC. vetiti sunt nauigare per tredecim annos in mari Magno intra Constantinopolim in Syriam cum

1. Apud Cæsarum, lib. 4. c. 20.

2. Brionou. in relat. de Tartaria.

3. In antiq. Voluminibus publicorū documentorum Tabularij Sareniss. Reipub. blica inf. annū 1438. ea comprehensa.

4. Ibid.

5. Exstat diploma huius cessionis in d. Tabulario.

6. D. Anton. in Chronico. par. 3. tit. 20. c. 8. 9. 7.

tri-

236 De Dominio Ser.^{ma} Gen. Reip.

triremibus armatis. In Hispanico etiã mari exer-
cuerunt imperium, adempta Sarracenis Alme-
ria, quam cum iure fiduciario possidendam Ot-
toni Boniuillani anno CIOXLVII. concessif-
sent, is^r iuravit in hanc formam. *Ego ab hac
die in antea, usque ad annos triginta expletos, ero fi-
delis Communi Ianuæ, sicut bonus Vasallus suo domi-
no, & ad honorem Dei, & Communis Ianuæ teneba
ciuitatem Almeriæ cum eius pertinentijs maris, &
terra. Sed & in Gallico Mediterraneo dominium
habuerunt; Raymundus namque Narbonæ Dux,
Comes Tholosæ, & Marchio Prouinciæ in^r fœ-
dere ic̄to cum nostris anno CIOCLXXIV. inter
alia. Item, ait, interdican negotiatoribus totius ter-
ræ meæ, ire, vel mittere negotiandi causa per pelagus,
sine licentia Consulũ Communis Ianuæ, & maioris
partis Consiliariorum ipsorum: eum autem qui contra-
fecerit, in tertia capitalis, & toto proficuo puniam, vel
si ad manus Ianuensium peruenerint, licenter ab eis
pœna simili puniantur. Quo etiam fœdere
Reipublicæ donata est Massilia, Mo-
næcum, omnesque portus, qui
a Castro Turbiæ, Nar-
bonem
vsque in Mediterraneo
nauigantibus
patent.*

1. In Iura-
mento fideli-
tatis huius
Ottonis ex d.
Tabular.

2. Quod ha-
betur in dicto
Tabulario.

Genuen-